

官師志二

鄭虔符隋青州通守武德二年三月以其地來降四月詔以

為青州總管

見通鑑

劉仁軌汴州尉氏人也少恭謹好學遇隋末喪亂不遑專習

每行坐所在輒書空地由是博涉文史顯慶四年為青州刺

史五年高宗征遼令仁軌監統水軍以後期坐免

見舊書本傳

李鳳字秀成高祖第十五子也武德六年封豳王貞觀十年

徙封虢王麟德初累授青州刺史上元元年薨諡曰莊

見舊書本傳

傳

騫味道垂拱元年正月守內史四月貶為青州刺史

見新書武后本

益都縣圖志

卷十六 官師志二

一

紀

李元軌高祖第十四子也少多才藝高祖甚奇之武德六年

封蜀王八年徙封吳王十年改封霍王垂拱元年加位司徒

尋出為襄州刺史轉青州刺史四年坐與越王貞連謀起兵

事覺徙居黔州仍令載以檻車行至陳倉而死

見舊書本傳

尹思貞京兆長安人神龍初為青州刺史治州有績蠶至歲

四熟黜陟使路敬潛至部歎曰是非善政致祥乎表言之睿

宗立召授將作大匠封天水郡公思貞前後為刺史十三部

其政皆以清最聞

見新書本傳

韋安石京兆萬年人睿宗立授太子少保改封郇國復為侍

中中書令進開府儀同三司遷尚書右僕射兼太子賓客同

三品俄罷政事留守東都下遷蒲州刺史徙青州開元二年

三月貶去

見新書本傳及通鑑

王昕開元三年青州刺史

見齊乘

李少康太祖高皇帝五代孫也垂拱永昌以後七廟支庶不絕若綫中興後乃筮仕七徙官至尚書祠部郎中潞州司馬考績彰聞拔為青州刺史於時海岱貢篚衣履天下俗尚夸侈吏務豪華少康以德禮示法度以誅賞禁淫怠宣明教化飭行尊師使刺繡倚市者悉反耕織於是貪者廉善者勸海濱之俗變至鄒魯按察使戶部郎中宋遙以狀聞璽書褒異遷於常州賜一子出身

見文苑英華獨孤及撰神道碑

蕭嵩蘭陵人後梁裔貌貌偉秀美鬚髯神龍元年始調洛州參

益都縣圖志

卷十六 官師志二

二

軍開元初擢中書舍人歷宋州刺史遷尚書左丞十四年以兵部尚書領朔方節度使徙河西節度使判涼州事封蘭陵縣子授同中書門下三品十七年進兼中書令俄封徐國公進太子太師開元二十七年幽州節度使張守珪坐賂中人牛仙童得罪李林甫素忌嵩因言嵩嘗以城南墅遺仙童貶青州刺史尋復拜太子太師

見舊書元宗本紀及新書蕭瑀傳

牟道志天寶初青州刺史

見寶刻叢編引復齋碑錄

許叔冀乾元元年八月由青州刺史兼滑州刺史充青滑六

州節度使

見舊書肅宗本紀

尚衡乾元二年四月由徐州刺史為青州刺史充青淄密登

萊沂海等州節度使

見同上

殷仲卿上元二年青州刺史見新書方鎮表

信都承慶貞元初青州刺史見元和姓纂

鄭庶青州刺史見宋景濂濟陽人

鄭溥青州刺史見陳齊之右內率府

裴景叔青州刺史見新書宰相世系表

辛元宗青州刺史同上

唐敏字秀卿青州刺史同上

鄭仁愷青州刺史同上

李璿青州刺史同上

竇誠盈青州刺史同上

皇甫翼字謀安青州刺史同上

益都縣圖志

卷十六 官師志二

三

右唐青州刺史二十四人

李邕字泰和揚州江都人天寶初為北海太守六載正月以

事連王曾柳勣遣使就殺之見兩唐書本傳及元宗本紀

李力牧天寶間北海太守見天寶十載龍興寺鐘銘

趙居貞定州鼓城人擢進士第北海太守見天寶十一載雲門山投龍壁詩碑

及新書趙冬曦傳

賀蘭進明北海太守安祿山反詔進明率精銳五千濟河為

助時賊已陷河間信都天寶十五載進明用錄事參軍第五

琦計復收所陷見舊書元宗本紀及新書顏真卿第五琦傳

竇德藏北海太守見新書宰相世系表

蕭顓北海太守見新志

右唐北海太守六人

陸墀青州別駕

新府志云見新書宰相世系表

盧勤嘉青州別駕

見新府志

右唐青州別駕二人

劉允濟字允濟洛州

新志作河南

鞏人舉進士累除著作佐郎中

興疑中宗之誤

初坐與張易之款狎左授青州長史為吏清白河

南道巡察使路敬潛甚稱薦之

見兩唐書本傳

鄭山甫青州長史

見天寶十載龍興寺鐘銘

李潤青州長史

見同上又見龍璧詩碑

楊幼玉青州長史

見天寶十一載雲門山投龍璧詩碑

右唐青州長史四人

益都縣圖志

卷十六 官師志二

四

段詵青州司馬

見天寶十載龍興寺鐘銘又見投龍璧詩碑

王祚青州司馬

見新書宰相世系表

鄭楚期青州司馬

見同上

右唐青州司馬三人

崔晏青州錄事參軍

見天寶十載龍興寺鐘銘又見投龍璧詩碑

第五琦字禹珪京兆長安人少以吏幹進頗能言疆國富民

術天寶中為須江丞太守賀蘭進明才之安祿山反進明徙

北海奏琦為錄事參軍事時賊已陷河間信都進明未戰元

宗怒遣封刀趣之曰不亟進兵即斬首進明懼不知所出琦

勸厚以財募勇士出賊不意如其計復收所陷見新書本傳

盧行嘉青州參軍

見新書宰相世系表

李迪青州司功參軍見天寶十載龍興寺鐘銘

劉克烈青州司功參軍見天寶十一年雲門山投龍壁詩碑

李伯魚青州司功參軍見唐詩紀事

崔器青州司戶參軍前殿中侍御史見天寶十載龍興寺鐘銘

李澤青州戶曹參軍前長水令見同上

李君盛青州司戶參軍見新書宰相世系表

王子奇青州司戶參軍見同上

房休青州司士參軍前監察御史見天寶十載龍興寺鐘銘

孔齊卿青州司兵參軍見新書宰相世系表

李雅昌青州司法參軍見同上

右唐六曹參軍十三人

益都縣圖志 卷十六 官師志二 五

劉徽遠天寶初青州功曹見寶刻叢編引復齋碑錄

右唐青州功曹一人

許叔冀乾元元年八月以青州刺史兼滑州刺史充青滑六

州節度使見舊書肅宗本紀

尚衡乾元二年四月以徐州刺史為青州刺史充青淄密登

萊沂海等州節度使見同上

右唐青密節度使二人

田神功冀州南宮人肅宗時以禽劉展功遷淄青節度使會

侯希逸入青詔徙兗鄆見新書本傳

侯希逸營州人舊書作平盧人天寶末為州裨將守保定城安祿山

反使中人韓朝敷傳命希逸斬以徇祿山又以親將徐歸道

爲節度使希逸率兵與安東都護王元志斬之遣使上聞詔拜元志平盧節度使元志卒副將李正已殺其子共推希逸有詔就拜節度使兼御史大夫與賊確數有功然孤軍無援又爲奚侵掠乃拔其軍二萬浮海入青州據之平盧遂陷肅宗因以希逸爲平盧淄青節度使自是淄青常以平盧冠使希逸始得青治軍務農有狀後稍怠肆好畋獵佞佛興廣祠廬人苦之永泰元年因與巫者夜宿於城外軍士乃閉之不納希逸奔歸朝廷

見兩唐書本傳

李正已高麗人也本名懷玉乾元元年平盧節度使王元志卒會有敕遣使來存問懷玉恐元志子爲節度遂殺之與軍人共推立侯希逸爲軍帥後與希逸同至青州爲兵馬使正

已沈毅得眾心希逸因事解其職軍中皆言其非罪不當廢會軍人逐希逸希逸奔走遂立正已爲帥朝廷因授平盧淄青節度觀察使兼青州刺史賜今名初有淄青齊海登萊沂密德棣等州之地大厯中薛嵩死及李靈曜之亂諸道共攻其地得者爲己邑正已復得曹濮徐兗鄆共十有五州後自青州徙居鄆州使子納及腹心之將分理其地

見舊書本傳

李納正已子少時正已遣將兵備秋代宗召見嘉之自奉禮郎超拜殿中丞兼侍御史歷檢校倉部郎中兼總父兵奏署淄州刺史正已將兵擊田承嗣奏署節度觀察留後尋遷青州刺史建中初正已田悅梁崇義張惟岳皆反二年正已卒納祕喪統父眾仍復爲亂比會悅於濮陽遣大將衛俊將兵

一千救悅爲河東節度使馬燧敗於洹水殺傷殆盡詔諸軍誅之納從叔父洧以徐州歸順納以彭城險阨又怒洧背宗乃悉兵圍之詔宣武軍節度劉洽與諸軍救之大敗納兵於城下納遂歸鄆州復與李希烈朱滔王武俊田悅合兵謀皆反僞稱齊王建置百官及興元之降罪已詔納乃效順詔加檢校工部尚書平盧軍節度淄青等州觀察使

見舊書李正已傳

李師古納子累奏至青州刺史貞元八年納死軍中以師古代其位而上請朝廷因而授之起復右金吾大將軍同正平盧及青淄齊節度營田觀察海運陸運押新羅渤海兩番使成德軍節度王武俊率師次於德棣二州將取蛤蜊及三汊城棣州之鹽池與蛤蜊歲出鹽數十萬斛棣州之隸淄青也

其刺史李長卿以城入朱滔而蛤蜊爲納所據因城而戍之以專鹽利其後武俊以敗朱滔功以德棣二州隸之蛤蜊猶爲納戍納初於德州南跨河而城以守之謂之三汊交田緒以通魏博路而侵掠德州爲武俊患及納卒師古繼之武俊以其年弱初立舊將多死心頗易之乃率眾兵以取蛤蜊三汊爲名其實欲窺納之境師古令降將趙鎬拒之武俊令其子士清將兵先濟於滴河會士清營中火起軍驚惡之未進德宗遣使諭旨武俊卽罷還師古毀三汊口城從詔旨師古雖外奉朝命而嘗畜侵軼之謀招集亡命必厚養之其得罪於朝而逃詣師古者因卽用之其有任使於外者皆留其妻子或謀歸款於朝事洩族其家眾畏死而不敢異圖

見舊書李正已

傳

李師道師古異母弟師道時知密州事師古死其奴不發喪
 潛使迎師道於密而奉之朝命久未至師道謀於將吏或欲
 加兵於四境其判官高沐固止之乃請進兩稅守鹽法申官
 員遣判官崔承寵孔目官林英相繼奏事元和元年七月遂
 命建王審遙領節度授師道檢校左散騎常侍兼御史大夫
 權知鄆州事充淄青節度留後十月加檢校工部尚書兼鄆
 州大都督府長史充平盧軍及淄青節度副大使知節度事
 自正已至師道竊有鄆曹等十二州六十年矣懼眾不附已
 皆用嚴法制之以故能劫其眾父子兄弟相傳焉見舊書李正已傳
 右唐平盧淄青節度使六人

益都縣圖志

卷十六 官師志二

八

薛平字垣塗絳州龍門人年十二為磁州刺史累授右衛將
 軍擢為汝州刺史治有風績王師討蔡繇左龍武大將軍授
 鄭滑節度使數戰有功李師道平詔分淄青齊登萊五州為
 平盧軍徙平為節度使在鎮六年兵鎧完礪徭賦均一寶曆
 初入朝民鄆路願留數日得出見新書薛仁貴傳
 康志睦字得眾靈州人資趨偉工馳射隸右神策軍累遷大
 將軍寶曆元年進平盧軍節度使李同捷反放兵略千乘志
 睦挫其銳不得逞遂下蒲臺盡奪其械見舊書敬宗本紀及新書康日知傳
 王承元契丹人太和元年加檢校司空御史大夫移授平盧
 軍節度淄青登萊觀察等使時均輸鹽法未常行於兩河承
 元首請鹽法歸之有司自是兗鄆諸鎮皆稟均輸之法承元

寬惠有制所理稱治太和七年十二月卒於平盧時年三十

三冊贈司徒

見舊書文宗本紀及王武俊傳

嚴休復太和七年十二月以河南尹檢校禮部尚書充平盧

軍節度淄青登萊棣觀察等使

見舊書文宗本紀

王彥威其先出太原太和九年二月以司農卿進拜平盧節

度使開成元年召為戶部侍郎判度支

見舊書文宗本紀及新書本傳

陳君賞開成元年七月以金吾衛大將軍為平盧節度使

見舊

書文宗本紀

韋博

齊紀作長

字大業京兆萬年人取進士第寢遷殿中侍御史

詔為靈武副使擢右諫議大夫進左大夫為京兆尹與御史

中丞囂競不平皆得罪下除博衛尉卿出為平盧節度使檢

益都縣圖志

卷十六 官師志二

九

校禮部尚書時開成四年七月也

見新書本傳及舊書文宗本紀

孫範博州武水人為淄青節度使

見新書孫逖傳

鄭光丹陽人孝明皇后弟也會昌末夢御大車載日月行中

衢光輝洪洞照六合寤而占之工曰君且暴貴不闕月宣宗

即位光興民伍拜諸衛將軍累遷平盧軍節度使

見新書本傳

封敖字碩夫其先渤海裔人元和十年登進士第大中四年

出為興元尹御史大夫山南西道節度使十一年拜大常卿

出為淄青節度使

見舊書本傳

韋澳字子斐太和六年擢進士第又以宏詞登科性貞退寡

慾登第後十年不仕周墀鎮鄭滑辟為從事墀輔政以澳為

考功員外郎史館修撰不周歲以本官知制誥尋召充翰林

學士累遷戶部兵部侍郎學士承旨出爲京兆尹大中十二年檢校工部尚書兼孟州刺史充河陽三城懷孟澤節度等使懿宗卽位遷檢校戶部尚書兼青州刺史平盧節度觀察處置等使

見舊書韋貫之傳

于涓咸通十三年五月由青州刺史平盧軍節度使貶爲涼

王府長史分司東都

見舊書懿宗本紀

宋威乾符三年三月由平盧軍節度爲指揮諸道招討草賊

使檢校左散騎常侍曾元裕副之募能捕賊三百人者官以

將軍五年正月罷招討使九月卒

見新書僖宗本紀及通鑑

曾元裕乾符五年九月由諸道行營招討使領平盧節度使

見通鑑

益都縣圖志

卷十六 官師志二

十

安師儒平盧節度使中和二年爲其將王敬武所逐

見新書僖宗本

紀

王敬武青州人隸平盧軍爲偏校事節度使安師儒中和中

盜發齊棣閒遣敬武擊定已還卽逐師儒自爲留後時王鐸

方督諸道行營軍復京師因承制授敬武平盧節度使趣其

兵使西及京師平進檢校太尉同中書門下平章事龍紀元

年卒

見新書本傳

王師範敬武子龍紀元年年十六自稱留後嗣領軍昭宗自

以太子少師崔安潛領節度師範拒命時隸州刺史張蟾迎

安潛師範遣部將盧宏攻之宏與蟾連師範以金啗之曰君

若顧先人使不絕其祀君之惠也不然願死墳墓宏少之不

爲備師範伏兵迎於路部將劉鄩斬宏遂攻隸州蟾請救於
朱全忠全忠馳使諭解師範拔其城斬蟾而安潛不敢入師
範喜儒學謹孝於法無所私舅醉殺人其家訴之師範厚賂
謝訴者不置師範曰法非我敢亂乃抵舅罪母恚之師範立
堂下曰三四至不得見三年拜省戶不敢懈以青州父母所
籍每縣令至具威儀入謁令固辭師範遣吏挾坐拜廷中乃
出或諫不可答曰吾恭先世且示子孫不忘本也全忠已并
鄆州遣兵攻師範師範下之會全忠圍鳳翔昭宗詔方鎮赴
難以師範附全忠命楊行密部將朱瑾攻青州且欲代爲平
盧節度師範聞之哭曰吾爲國守藩君危不持可乎乃與行
密連盟遣將張居厚李彥威以甲槩二百輿給爲獻者及華

州先納十輿閻人覺眾擐甲謀殺全忠守將婁敬思全忠并
魏博軍屯齊州王茂章方以兵二萬合師範弟師誨攻密州
破之以張訓爲刺史進攻沂州敗其兵還青州半舍而屯全
忠留楊師厚圍青州敗師範兵於臨朐執諸將又獲其弟師
克是時師範眾尚十餘萬諸將請決戰而師範以弟故乃請
降全忠歸其弟假師範知節度留後事歲餘徙師範於汴表
爲河陽節度使全忠既受唐禪乃族師範於洛陽見新書王
敬武傳
安仁義平盧軍節度使天祐元年爲楊行密所殺見新書昭
宣帝本紀
李琢洮州臨潭人以家閥累擢義昌平盧鎮海三節度使無

顯功不爲士大夫所稱道

見新書
李晟傳

梁及平盧節度使

見舊志
陵墓

右唐平盧節度使二十人

楊損字子默以蔭受官遷京兆尹盧攜作相有宿憾出為陝
虢觀察使時咸通十年軍亂逐前使崔堯損至盡誅其亂首
踰年改青州刺史御史大夫淄青節度使又檢校刑部尚書
鄆州刺史天平軍節度使未赴鄆復留青州卒於鎮

見舊唐書楊嗣

復傳

李振天復三年王師範降歲餘遣振權典青州事

見舊五代史王師範

傳

王重師許州長社人為入沈默多智善劍槊苦戰齊魯間威
震鄰敵遷潁州刺史王師範降表重師為青州留後天祐三
年六月遷佑國軍節度使

見新五代史本傳及通鑑

益都縣圖志

卷十六 官師志二

十一

韓建字佐時許州長社人初為蜀郡刺史尋表為許州節度

使昭宗東遷以建為佑國軍節度使天祐元年

通鑑作三年

改青

州節度使

見舊五代史本傳及通鑑

右唐淄青節度使四人

劉元佐滑州匡城人少倜儻不自業為縣捕盜犯法吏笞辱
幾死乃亡命從永平軍稍為牙將大厯中李靈曜據汴州反
元佐乘其無備襲取宋州有詔以州遂隸其軍節度使李勉
即表署刺史德宗建中初進兼御史中丞充宋毫潁節度使
遷檢校兵部尚書兼曹濮觀察淄青兗鄆招討使

見舊唐書本傳

右唐淄青兗鄆招討使一人

鄧景山曹州人本以文吏進累至監察御史至德初擢拜青

齊節度使

見新書本傳

右唐青齊節度使一人

許杲

考異曰舊傳作許果今從韓愈順宗實錄

平盧行軍司馬大厯三年將卒三

千人駐濠州不去有窺淮南意淮南節度使崔圓令副使元

城張萬福攝濠州刺史杲聞即提卒去止當塗是歲上召萬

福以為和州刺史行營防禦使討杲萬福至州杲懼移軍上

元又北至楚州大掠淮南節度使韋元甫命萬福追討之未

至淮陰杲為其將康自勸所逐

見通鑑

右唐平盧行軍司馬一人

竇鞏字友封扶風平陵人元和二年登進士第袁滋鎮滑州

辟為從事平盧薛平又辟為副使

見舊書竇鞏傳

益都縣圖志

卷十六 官師志二

十三

李嗣業平盧節度使王師範副使天復三年七月太祖復令

楊師厚進攻屯於臨胸師厚屢敗青軍遂進寨於城下師範

懼乃令嗣業詣師厚乞降

見舊五代史王師範傳

右唐平盧副使二人

敬謩

唐宰相世系表作騫

建中元年平盧判官

見泰安岱嶽觀題名

房說平盧節度使李納判官

見舊書李正已傳

高沐平盧節度使李師道判官

見同上

李公度平盧節度使李師道親近

見新書李正已傳

崔承寵平盧節度使李師道判官

見同上

右唐平盧判官五人

崔陶青州平盧節度掌書記

見新書宰相世系表

右唐平盧掌書記一人

李瑜青州益都人本州推官

見宋史李覺傳

右唐青州推官一人

劉悟平盧節度使李師道大將初遣屯陽穀當魏博軍疑其逗留悟懼不免引兵反攻城師道晨起聞之白其嫂裴曰悟兵反將求為民守墳墓師道請見悟不許復請送京師悟使謂曰司空今為囚何面目見天子猶俯仰祈哀乃斬之傳首京師棄其尸無敢收視者

見新書李正已傳

林英平盧節度李師道孔目官

見同上

李叔佐平盧節度薛平將王庭湊圍牛元翼棣州危詔平出

援平遣將李叔佐率兵二千往刺史王稷餽餉陘狹眾潰而

益都縣圖志

卷十六 官師志二

十四

歸推突將馬士端為帥劫屯土萬人薄州堞城中兵寡平悉公帑家資募銳卒二千迎戰以奇兵掩賊輜重賊狼顧遂大敗降餘黨平引謀亂者二千人斬堂皇下脅從皆縱還田里

見新書薛平傳

馬廷崙

舊傳作馬狼兒新傳作馬士端

平盧節度使薛平突將

見舊書穆宗本紀

辛神邕太和五年平盧從事

見宣室志

劉克勤平盧虞侯

見太和九年劉夫人辛氏墓志

成惠通平盧兵馬使

見乾符五年成君信墓志

盧宏平盧節度使王師範部將

見新書王敬武傳

劉鄴平盧節度使王師範部將

見同上

張居厚平盧節度使王師範將

見同上

李彥威平盧節度使王師範將見同上

張素平盧兵馬使見舊志冢墓

楊成雲青州兵馬使見同上

江可觀節度兵馬使見同上

右唐平盧淄青將校雜職十四人

唐昭明益都縣令見新書宰相世系表又見雲門山造像及開元十九年功德銘

鄭寓益都縣令見天寶十載龍興寺鐘銘

裴昇昇新府志作升益都縣令見天寶間雲門山投龍壁詩石刻

李選益都縣令見親書宰相世系表

薛文綱益都縣令見同上

右唐益都縣令五人

益都縣圖志

卷十六 官師志二

十五

李俊益都縣丞見天寶十載龍興寺鐘銘及投龍壁詩石刻

鄭洹益都縣丞見新書宰相世系表

右唐益都縣丞二人

張思益都縣主簿見龍興寺鐘銘及投龍壁詩石刻

右唐益都縣主簿一人

李勸益都縣尉見龍興寺鐘銘

張岌益都縣尉見同上

裴冀益都縣尉見龍興寺鐘銘及投龍壁詩石刻

右唐益都縣尉三人

韓建字佐時許州長社人仕唐為平盧軍節度使太祖即位

仍舊官及開平元年六月遷司徒去見五代史本傳及太祖本紀

張萬進雲州人初爲本州小校亡命投幽州劉守光厚遇之

乾化三年二月爲青州節度使四年正月遷兗州見舊五代史本傳及

未帝本紀

袁象先宋州下邑人也性寬厚不忤於物幼遇亂慨然有憂

時之意乾化四年授青州節度使加檢校太傅未幾移鎮宋

州見舊五代史唐書本傳

賀德倫其先河西部落人也少爲滑之牙將累歷刺史留後

遷平盧節度使貞明元年三月遷天雄軍節度使見舊五代史本傳及

未帝本紀

元湘客省使權知平盧軍軍州事貞明三年二月遷司空去

見舊五代史及未帝本傳

益都縣圖志

卷十六 官師志二

趙毅貞明四年以宣徽院使右衛上將軍權知青州軍州事

見舊五代史未帝本紀

朱珪貞明四年十二月以匡國軍節度使檢校太傅充平盧

軍節度淄青登萊等州觀察處置押新羅渤海兩番等使見舊

五代史未帝本紀

右後梁平盧節度使七人

王正言鄆州人早孤貧從沙門學工詩密州刺史賀德倫令

歸俗署郡職德倫鎮青州表爲推官見舊五代史唐書本傳

右後梁青州推官一人

戴思遠本梁之故將也初事梁祖以武幹知名累遷天平軍

節度使同光元年以宣化軍留後檢校太傅權知青州軍事

見舊五代史本
傳莊宗本紀

符習趙州昭慶縣人有氣度性忠壯同光二年以邢州節度使移鎮青州四年二月趙在禮據魏州習受詔以淄青之師進討至則會軍亂習乃退軍渡河明宗自鄴赴洛遣使召之習乃從明宗入汴明宗卽位加兼侍中令歸本鎮屬青州守將王公儼拒命復授習天平軍節度使四年移汴州節度使

見舊五代
史本傳

霍彥威字子重洺州曲周人仕梁至陝州留後莊宗入汴彥威自陝馳至請罪詔釋之天成初除鄆州節度使值青州王公儼拒命改平盧軍節度至鎮擒公儼斬之三年冬卒

見舊
五代

史本
傳

益都縣圖志

卷十六 官師志二

十七

王建立遼州榆社人少鷲猛無檢明宗領代州刺史擢爲虞候將明宗卽位以功授鎮州節度副使加檢校司徒旋爲留後未幾正授節鉞累官至集賢殿大學士天成四年出爲青州節度使五年移鎮上黨辭不赴任請退居邱園制以太子

少保致仕

見舊五代
史本傳

王晏球字瑩之自言洛陽人少遇亂爲蔡賊所掠汴人杜氏畜之爲子因冒姓杜氏晏球少沈勇有斷侷儻不羣梁祖之鎮汴也選富家子有材力者置之帳下號曰廳子都晏球預選累遷廳子都指揮梁末帝嗣位以爲龍驤四軍都指揮使尋以功授單州刺史梁末帝殂卽降莊宗授齊州防禦使明宗至汴晏球率騎從至京師以平定功授宋州節度使上章

求還本姓名長興元年以鄆州節度使移鎮青州三年卒於

鎮見舊五代史本傳及明宗本紀

房知温字伯玉兗州瑕邱人少有勇力籍名於本軍為赤甲

都官健梁將葛從周鎮其地選實麾下累遷至澶州刺史行

臺右千牛衛大將軍莊宗平梁歷曹貝州刺史明宗自鄴入

洛知温與王晏球首赴焉明宗自總管府署知温滑州兩使

留後明宗即位詔充北面招討屯於盧臺軍長興中節制文

陽越二年除平盧軍節度使見舊五代史本傳

右後唐平盧節度使六人

韓光嗣通鑑作支使韓叔嗣北海人為平盧軍節度副使徐鉉韓熙載墓志銘云考

光嗣秘書少監同光末青州軍亂逐其帥符習推光嗣為留

益都縣圖志

卷十六 官師志二

十八

後明宗即位誅之見宋史南唐世家韓熙載傳

溘于晏青州節度副使天成二年遷亳州團練使去見舊五代史明

宗本紀

右後唐平盧節度副使二人

李冲平盧節度使房知温行軍司馬初明宗為北面招討使

房知温為副都部署帝以別將事之嘗被酒忿爭拔刃相擬

及帝舉兵入洛知温密與冲謀拒之冲請先奉表以觀形勢

還言洛中已定乃入朝謝罪帝優禮之知温貢獻甚厚見通鑑清

泰元年

右後唐平盧行軍司馬一人

王公儼青州守將見符習傳

右後唐青州守將一人

范正大名宗城人青州從事

見宋史
范質傳

右後唐青州從事一人

房知温平盧軍節度使在鎮常厚斂其民積貲鉅萬治第青州南城出入以聲伎游嬉不恤政事天福元年卒

見新五代
史本傳

王松權知青州

見宋史劉
温叟傳

王建立遼

州人

爲政嚴烈閭里有惡迹者必族而誅之故當時

人目之爲王塚疊言殺其人而積其屍也天福元年再爲青州節度使晚年歸心釋氏飯僧營寺戒殺慎獄民稍安之五年遷潞州節度使去

見舊五代
史本傳

楊光遠字德明其先沙陀部人也仕唐累加檢校太傅將兵

益都縣圖志

卷十六 官師志二

十九

戍蔚州高祖舉義於太原唐末帝遣光遠與張敬達屯兵於城下俄而契丹大至爲其所敗圍其寨久之軍中糧絕光遠乃與次將安審琦等殺敬達擁眾歸命從高祖入洛加檢校太尉充宣武軍節度使天福五年爲平盧節度使封東平王及赴任僕從妻妾至千餘騎滿盈僭侈爲方岳之最下車之後惟以刻薄爲事八年十二月反遣兵士取淄州劫刺史翟進宗入青州開運元年十二月光遠降光遠子承勳等斬觀察判官邱濤牙將白延祚楊瞻杜延壽等首級送於招討使李守貞乃縱火大譟劫其父處於私第以城納款遣卽墨縣令王德柔貢表待罪光遠亦遣節度判官楊麟奉表請死詔釋之閏月李守貞奏楊光遠卒初光遠旣上表送降帝欲曲

全之議者曰豈有反狀滔天而赦之也乃命守貞便宜處置
守貞遣人拉殺之以病卒聞判官楊麟配流威州掌書記任
邈配流原州支使徐晏配流武州並以光遠叛故也

見舊五代史本

傳及少帝本紀

右後晉平盧青州節度使四人

翟光鄴字化基濮州鄆城人開運初授宣徽使楊光遠叛滅
青州平除爲防禦使朝廷以兵亂之後人物彫敝故命光鄴
理之光鄴好聚書重儒者虛齋論議惟求理道時郡民喪亡
十之六七而招懷撫諭視之如傷故朞月之間流亡載輯

見舊

五代史本傳

劉審交字求益幽州文安人仕唐至磁州刺史高祖踐阼累

益都縣圖志

卷十六 官師志二

二十

遷至襄州防禦使青州楊光遠平降平盧軍爲防禦州復用

審交爲防禦使時用軍之後審交矜恤撫理彫敝復蘇

見舊五代

史本傳

右後晉防禦州防禦使二人

王仁鎬邢州龍岡人仕唐至右領軍衛將軍天福中青州楊
光遠將圖不軌以仁鎬爲節度副使伺其動靜歷二年或譖
仁鎬於朝改護國軍行軍司馬仁鎬至河中數月光遠反書

見宋史本傳

右後晉平盧節度副使一人

徐晏平盧節度支使

見楊光遠傳

右後晉平盧節度支使一人

劉温叟字永齡河南洛陽人王松權知青州表爲判官見宋史本

楊麟平盧節度判官見楊光遠傳

邱濤觀察判官見同上

右後晉平盧判官三人

顏衍字祖德兗州曲阜人房知温鎮青州辟置幕下知温險
復厚斂多不法衍每極言之不避其患晉祖入洛知温恃兵
力偃蹇衍勸其入貢知温以善終衍之力也晉祖嘉之拜殿
中侍御史充東都留守判官改河陽父在青州有風痺疾衍
不奏棄官去侍疾歲餘父疾不能起衍親自掬矢未嘗少倦
晉祖聞之召爲工部郎中樞密直學士踰年上表請還侍養

益都縣圖志

卷十六 官師志二

二十一

授青州行營司馬見宋史本傳

右後晉青州司馬一人

任邈平盧掌書記見楊光遠傳

右後晉平盧掌書記一人

楊承信字守眞光遠第三子幼以父任自義武軍節院使歷
蘭州刺史開運初光遠以青州叛少帝遣李守貞等討之承
信兄承勳劫其父以降青州平光遠死承信與弟承祚詣闕
請死詔釋之以承信爲右羽林將軍初光遠送款契丹求援
兵未至而光遠降及契丹來寇以承信爲平盧軍節度繼父

職見宋史本傳

劉銖陝州人國初授永興軍節度使移鎮青州加同平章事

隱帝卽位加檢校太師兼侍中銖立法深峻令行禁止吏民有過不問輕重未嘗貸免每親事小有忤旨卽令倒曳而出至數百步外方止膚體無完者每杖人遣雙杖對下謂之合歡杖或杖人如其歲數謂之隨年杖在任擅行賦斂每秋苗一畝率錢三千夏苗一畝率錢二千以備公用部內畏之脅肩重迹乾祐中淄青大蝗銖下令捕蝗略無遺漏田苗無害先是濱海郡邑皆有兩浙迴易務厚取民利自置刑禁追攝王民前後長吏利其厚賂不能禁止銖卽告所部不得與吳越徵負擅行追攝浙人惕息莫敢干命朝廷懼銖之剛戾難制因前沂州刺史郭瓊自海州用兵還過青州遂留之卽以符彥卿代銖銖卽時受代離鎮之日有私鹽數屋雜以糞穢

益都縣圖志

卷十六 官師志二

二十一

填塞諸井以土平之

見舊五代史本傳

符彥卿字冠侯陳州宛邱人仕唐至易州刺史晉天福初授同州刺史遷武甯軍節度同平章事漢祖入汴彥卿自徐州來朝改鎮兗州加兼侍中乾祐中加兼中書令封魏國公拜

守太保移鎮青州

見宋史本傳

右後漢平盧節度使三人

錢文敏河南新安人青州帥劉銖辟爲錄事參軍

見宋史錢若水傳

麻希夢臨淄人劉銖錄事參軍

見澠水燕談錄

右後漢青州錄事參軍二人

劉蟠字士龍濱州渤海人乾祐二年進士解褐益都主簿

見宋

史本傳

右後漢益都主簿一人

符彥卿青州節度使廣順二年移鄆州

見舊五代史太祖本紀

常思字克恭太原人廣順三年徙鎮歸德居三年來朝又徙

平盧居青州踰年得疾歸洛陽卒

見新五代史本傳

李洪義晉陽人廣順初權知宋州節度未幾真拜歸德軍節

度加同平章事權知許州歲餘改鎮安州顯德初加檢校太

師世宗即位加兼侍中未幾徙青州

見宋史本傳

安審琦字國瑞其先沙陀部人國初封南陽王顯德初進封

陳王五年移平盧軍節度使六年正月七日夜為其隸人安

友進安萬合所害

見舊五代史本傳

右後周平盧節度使四人

益都縣圖志

卷十六 官師志二

二十二

張凝滄州無棣人少有武勇倜儻自任廣順三年權知青州

軍

見宋史本傳及舊五代史太祖本紀

咎居潤博州高唐人從世宗征高平以功遷客省使知青州

見宋史本傳

右後周知青州二人

唐銳平盧節度判官

見舊志冢墓

右後周平盧判官一人

劉熙古字義淳宋州甯陵人太祖即位召為左諫議大夫知

青州

見宋史本傳

張全

案傳文張全操多不法似當以全操為名

太祖時知青州

見宋史楊徽之傳

趙昌言字仲謨諡景肅孝義人太宗時知青州入拜職方員

外郎昌言強力尙氣概當官無所顧避所至以威斷立名雖屢經擯斥未嘗少自抑損然剛愎縱率對僚吏倨慢時論以

此少之見宋史本傳

寇準字平仲華州下邳人諡忠愍太宗時拜左諫議大夫樞密副使改同知院事罷知青州帝顧準厚旣行念之常不樂語左右曰寇準在青州樂乎對曰準得善藩當不苦也數日輒復問左右揣帝意且復召用因對曰陛下思準不少忘聞準日縱酒未知亦念陛下乎帝默然明年召拜參知政事見宋史本傳

李繼昌字世長潞州上黨人咸平時領獎州刺史俄知青州

見宋史本傳

益都縣圖志

卷十六 官師志二

二十四

張齊賢字師亮諡文定曹州冤句人景德元年起爲兵部尙

書知青州

澗水燕談錄曰齊賢知青州六年其治安靜民頗安之好事者或謗其居官弛慢朝廷召還或語人

曰向作宰相幸無大過今典一郡乃招物議正如監御上幸

厨三十年臨老反責粥不了士大夫聞之深罪謗者

澶淵命兼青淄濰州安撫使二年改吏部尙書見宋史本傳及長編

王超諡武康趙州人景德初爲崇信軍節度使徙知河陽又移鎮建雄知青州見宋史本傳

閻象濟州鉅野人宋初以三禮舉中建隆某科賜金紫侍講許王府眞宗素知其賢數詔訪以經術謂之閻君子及卽位問象所在左右具言所以然卽時召之已在道拜金部郎知青州其後鄆州守臣某臨遣眞宗問鄆去青遠近守臣對若干曰爲吾告之將召也已而見召行至濟州卒見歐陽公所撰神道碑

凌策字子奇宣州涇人幼孤獨厲志好學雍熙二年舉進士起家廣安軍判官東封時知青州以供億之勤超拜都官郎

中見宋史本傳

張知白字用晦滄州清池人幼篤學中進士第擢龍圖閣待制知審官院再遷尚書工部郎中使契丹知白以朝廷制官重內輕外為引唐李嶠議遷臺閣典藩郡乃自請補外不許

遂命糾察在京刑獄固請知青州長編云大中祥符六年三月還京師長編

云九年求領國子監帝曰知白豈倦於處劇耶宰相言知白更

踐中外未嘗為身謀乃遷右諫議大夫權御史中丞見宋史本傳

戚綸字仲言應天楚邱人篤於古學喜談名教太平興國八年舉進士大中祥符八年授左諫議大夫代還復知青州歲

益都縣圖志

卷十六 官師志二

二十五

饑發公廩以救餓殍全安甚眾天禧二年三月徙鄆州見宋史本

傳及長編

李仕衡字天鈞秦州成紀人進士及第盜起淄青間遷刑部

侍郎知青州長編云天禧二年三月前守捕羣盜妻子真棘圍中仕衡

至悉縱罷之使去未幾其徒有梟賊首至者入為三司使長編

云七月帝作寬財利論以賜之見宋史本傳

周起字萬卿諡惠安淄州鄒平人生而豐下父意異之曰此兒必起吾門因名起幼敏惠如成人舉進士進禮部侍郎為樞密副使嘗與寇準過同列曹瑋家飲酒既而客多引去者獨起與寇準盡醉夜漏上乃歸明日入見引咎伏謝真宗笑曰天下無事大臣相與飲酒何過之有起素善寇準準且貶

起亦罷爲戶部郎中知青州

長編云天禧四年九月

又降太常少卿知

光州

見宋史本傳

曹瑋字寶臣諡武穆彬子沈勇有謀喜讀書通春秋三傳於

左氏尤深乾興初謫左衛大將軍定州觀察使知萊州瑋以

宿將爲丁謂所忌卽日上道從弱卒十餘人不以弓韞矢箠

自隨謂敗復華州觀察使知青州

長編云乾興元年十二月

徙天雄軍

見宋

史本傳

張傳字巖卿譙人眞宗時河決濟北民多被害命安撫京東

後進三司度支副使以疾請外遷太常少卿知應天府逾月

爲右諫議大夫徙青州

見宋史本傳

韓億字宗魏諡忠獻開封雍邱人舉進士爲大理評事仁宗

益都縣圖志

卷十六 官師志二

二十六

初進直史館知青州

見宋史本傳

滕涉天聖三年正月以刑部郎中龍圖閣待制知青州事

見長

編

孔道輔字原魯孔子四十五代孫也幼端重舉進士第爲甯

州軍事天聖中厯判吏部流內銓糾察在京刑獄坐糾事不

當出知鄆州徙青州

見宋史本傳

李迪字復古其先趙郡人後徙幽州又徙家濮迪深厚有器

局舉進士第一仁宗卽位知舒州厯江甯府兗州青州久之

除彰信軍節度使知天雄軍徙青州

見宋史本傳

王曾字孝先諡文正青州益都人咸平中由鄉貢試禮部廷

對皆第一天聖初以門下侍郎兼戶部尙書爲昭文館大學

士監修國史玉清昭應宮使會玉清昭應宮災乃出知青州

長編云天聖七年六月 九年以彰信軍節度使復知天雄軍 見宋史本傳及長編

范諷字補之齊州人舉進士第擢天章閣待制知審刑院出

知青州再遷戶部郎中時山東饑宰相王曾家積粟多諷發

取數千斛濟饑民因請遣使安撫京東明道二年四月入為

右諫議大夫權御史中丞又請益漕江淮米百萬自河陽河

陰東下以振貸之 見宋史本傳及長編

夏竦字子喬諡文莊江州德安人舉賢良方正擢光祿寺丞

以禮部尚書知襄州改潁州京東薦饑徙青州兼安撫使 長編

云明道二年七月 踰年罷安撫使遷刑部尚書竦為郡有治績喜作

條教於閭里立保伍之法至盜賊不敢發然人苦煩擾治軍

益都縣圖志

卷十六 官師志二

二十七

尤嚴敢誅殺即疾病死喪拊循甚至 見宋史本傳及長編

程琳字天球永甯軍博野人景祐在政事小人僥倖皆不便

以事中之坐貶光祿卿知潁州已而上思之徙知青州 見歐陽文

忠公集贈中書令程公神道碑及墓志銘

陳執中字昭譽洪州南昌人明道中安撫京東進天章閣待

制使還知應天府徙江甯府揚州再遷工部郎中改龍圖閣

直學士知永興軍拜右諫議大夫同知樞密院事康定元年

三月以議刺士兵不決罷知青州本年改工部侍郎陝西同

經略安撫招討使與夏竦同知永興軍議邊事多異同詔令

互出巡邊乃屯涇州慶厯二年由陝州復徙青州兼京東路

安撫使於是請城傅海諸州朝廷重興役有詔不許執中不

奉詔卒城之明年沂卒王倫叛趣淮南執中遣巡檢傅永吉
追至采石磯捕殺之召拜參知政事

見宋史執政表
及本傳及長編

王德用字元輔諡武恭超子起爲保靜軍節度觀察留後知

青州改澶州陝西用兵久無功契丹遣劉六符來求復關南

地

案六符來求地
在慶厯三年

以兵壓境德用見帝流涕言臣前被罪陛

下赦而不誅今不足辱命帝慰勞曰河北方警藉卿鎮撫之

又賜手詔慰勉拜保靜軍節度使

見宋史
本傳

張存字誠之諡恭安冀州人慶厯四年以龍圖閣直學士知

青州五年詔罷安撫使六年入知審官院官至禮部尚書

見長

編及司馬文正公所撰禮部尚書
張公墓志銘案本傳不及青事

葉清臣字道卿蘇州長洲人幼敏異好學善屬文天聖二年

益都縣圖志

卷十六 官師志二

二十八

舉進士慶厯六年三月以翰林侍讀學士戶部郎中知青州

七年五月徙永興軍

見宋史本
傳及長編

富弼字彥國諡文忠河南人少篤學有大度舉茂材異等授

將作監丞簽事河陽判官慶厯七年五月以資政學士給事

中知青州兼京東路安撫使河朔大水民流就食弼勸所部

民出粟益以官廩得公私廬舍十餘萬區散處其人以便薪

水官吏自前資待缺寄居者皆賦以祿使卽民所聚選老弱

病瘠者廩之仍書其勞約他日爲奏請受賞率五日輒遣人

持酒肉飯糗慰藉出於至誠人人爲盡力山林陂澤之利可

資以生者聽流民擅取死者爲大冢葬之目曰叢冢明年麥

大熟民各以遠近受糧歸凡活五十餘萬人募爲兵者萬計

帝聞之遣使褒勞拜禮部侍郎弼曰此守臣職也辭不受前此救災者皆聚民城郭中爲粥食之蒸爲疾疫及相蹈藉或待哺數日不得粥而仆名爲救之而實殺之自粥立法簡便周盡天下傳以爲式王則叛齊州禁兵欲取之或詣弼告齊非弼所部恐事泄變生適中貴人張從訓銜命至齊弼度其可用密付以事使馳至齊發吏卒取之無得脫者卽自劾顛擅之罪帝益嘉之復以爲禮部侍郎又辭不受

見宋史本傳及長編又見

慶曆八年十月雲門山題名

范仲淹字希文諡文正其先邠州人後徙家江南遂爲蘇州吳縣人舉進士第慶曆末請罷政事出知鄧州徙杭州再徙青州有惠政陽溪側出醴泉仲淹構亭泉上民感其德以范

益都縣圖志

卷十六 官師志二

二十九

公目之皇祐四年以疾徙潁州道卒

見宋史本傳及長編齊乘

文彥博字寬夫諡忠烈汾州介休人皇祐五年知青州

見長編

案本傳未言知青州

曹佺字公伯瑋從子至和元年六月以建武節度使徙知青

州嘉祐元年八月徙許州

見宋史本傳及長編

田瑜字資忠河南壽安人舉進士除龍圖閣直學士知青州

本傳在儂智高平在至和二年

按仁宗紀儂智高平在至和二年

城中有殺人投屍井中者吏以

其無主名不以聞瑜廉得之大出金帛購賊後數日鄰州民執賊以告屬歲凶多盜瑜立賞罰設方略捕格之境中肅然

見宋史本傳

龐籍字醇之諡莊敏單州武成人及進士第嘉祐二年十一

月以觀文殿大學士戶部侍郎知青州遷尚書左丞不拜三

年徙定州治民頗有惠愛見宋史本傳及長編

王舉元字懿臣鎮定人以京東轉運使權知青州見嘉祐四年雲門山

題名其府僚有李泰蕭日用劉懷裕董方張彥博張秀范孝先袁庭芝温希古未詳何官姑附於此

唐詢字彥猷杭州錢塘人嘉祐中以翰林侍讀學士知青州

見宋史本傳及澠水燕談錄蘇文思墓志有翰林院唐公判府語當卽彥猷也

張奎字仲野臨濮人仁宗時進刑部員外郎知御史雜事安

撫京東募民充軍凡十二萬奏州縣吏能否數千人復加龍

圖閣直學士知青州見本傳

余靖字安道諡襄韶州曲江人仁宗時以集賢院學士徙知

潭州又徙青州見宋史本傳

益都縣圖志

卷十六 官師志二

孫沔字元規越州會稽人中進士第補趙州司理參軍仁宗

時以資政殿學士知杭州遷大學士徙知青州見宋史本傳

趙槩字叔平南京虞城人官至吏部尚書諡康靖仁宗時以

直集賢院知青州坐失舉澠池令張誥免久乃起監密州酒

知滁州山東有寇李二過境上告人曰我東人也公嘗爲青

州民愛之如父母我不忍犯率眾去見宋史本傳

劉元瑜字君玉河南人進士及第仁宗時以左諫議大夫知

青州見宋史本傳

錢明逸字子飛杭州臨安人諡曰修仁宗時知青州見宋史本傳

盧士宗字公產濰州昌樂人治平二年十月以龍圖閣學士

兼侍講知青州見宋史本傳及長編又見三年雲門山題名

程師孟字公闢吳人知青州師孟爲政簡而嚴罪非死者不以屬吏發隱摘伏如神得豪惡不逞跌宕者必痛懲艾之至勦絕乃已所部肅然

見本傳

吳奎字長文諡文肅濰州北海人神宗初御史中丞王陶以論文德不押班事詆韓琦奎狀其過詔除陶翰林學士奎執不可陶又疏奎阿附陶旣出奎亦以資政殿大學士知青州司馬光諫曰奎名望清重今爲陶絀奎恐大臣皆不自安各求引去陛下新卽位於四方觀聽非宜帝乃召奎歸中書及琦罷相竟出知青州

執政表作治平四年九月明年卒見宋史本傳

歐陽修字永叔廬陵人舉進士試南宮第一擢甲科神宗卽位遷兵部尚書知青州

長編作熙寧二年年譜作熙寧元年八月改九月至青

改宣徽

益都縣圖志

卷十六 官師志二

三十一

南院使判太原府辭不拜徙蔡州

長編云三年七月

修以風節自持

旣數被汙巖年六十卽連乞謝事帝輒優詔弗許及守青州又以請止散青苗錢爲安石所詆故求歸愈切熙寧四年以太子少師致仕五年卒諡文忠修凡歷數郡不見治迹不求聲譽寬簡而不擾故所至民便之或問爲政寬簡而事不弛廢何也曰以縱爲寬以略爲簡則政事弛廢而民受其弊吾所謂寬者不爲苛急簡者不爲繁碎耳

見宋史本傳

趙抃字閱道諡清獻衢州西安人熙寧三年十二月以資政殿大學士知青州時京東旱蝗青獨多麥蝗來及境遇風退飛盡墮水死五年閏七月徙成都

見宋史本傳及長編

李肅之字公儀迪從子熙寧五年十一月以天章閣待制知

青州見宋史本傳及長編

滕元發初名甫字元發以避高魯王諱改字為名而字達道東陽人諡章敏熙甯七年以禮部侍郎知青州八年二月徙鄧州先是富弼守青州嘗設教閱馬步軍九指揮弼既去軍稍闕不補元發至青復完之溢額數千其後朝廷屢發諸路兵或喪失不還惟青州兵歷久猶盛其責守城池皆以靜洽聞飲酒賦詩未嘗為遷謫意見宋史本傳及長編又見薛應旂宋元通鑑及雲門山題名同

題有張擇實孫奇韓晉卿史宗範謝季成裴景盧仲甫章傳頓起未詳何官姑識於此
向經字審禮開封人熙甯八年二月以定國軍留後提舉景靈宮知青州九年正月以病召還卒於淄州諡康懿見宋史本傳及

長編

益都縣圖志

卷十六 官師志二

三十一

王居卿字壽明登州蓬萊人熙甯五年為提點京東刑獄十年以祠部郎中京東轉運使權知青州青州河貫城中苦泛溢為病居卿即城立飛梁上設樓櫓下建門以時啟閉人稱

其智見宋史本傳及長編又見臨胸逢山嘉祐寺碑

陳薦字彥升邢州沙河人以龍圖閣直學士知青州元豐元年罷為寶文閣學士提舉醴泉觀見長編

龔鼎臣字輔之鄆州須城人景祐元年第進士知安邱縣以賢良方正召試秘閣轉太常博士神宗即位拜諫議大夫京東東路安撫使知青州改太中大夫尋以正議大夫致仕見宋

史本傳

馮京字當世鄂州江夏人諡文簡元豐四年十一月以觀文

殿學士由河陽徙知青州見長編

鄧綰字文約成都雙流人舉進士為禮部第一元豐六年以龍圖閣待制知青州奏言歲大稔斗粟五七錢帝知其佞令

提舉官酌市價以聞見宋史本傳及長編

李定字資深揚州人元豐八年七月以龍圖閣學士知青州

徙汝州又謫居滁州元祐二年卒見宋史本傳及長編

羅拯字道濟祥符人神宗時以天章閣待制知青州見本傳

李承之字奉世肅之弟元祐元年六月以樞密直學士知青

州見宋史本傳及長編

王安禮字和甫撫州臨川人元祐元年四月由江甯徙知青州辭未赴任三年十月以資政殿學士知青州五年十月徙

益都縣圖志 卷十六 官師志二 三十二

蔡州旋以在州日贓污不法改知舒州見宋史本傳及長編

曾布字子宣諡文肅南豐人元祐五年十二月以龍圖閣學

士知青州七年五月徙瀛州見姦臣本傳及長編又見雲門山題名

黃履字安中邵武人元祐七年六月以天章閣待制知應天

府改知青州見宋史本傳及長編

劉摯字莘老諡忠肅永靜東光人元祐八年以觀文殿學士

知青州紹聖元年六月徙黃州見宋史本傳及長編

邢恕字和叔鄭州原武人紹聖二年三月以寶文閣待制知

青州十二月入為刑部侍郎見姦臣本傳及長編

呂嘉問字望之紹聖四年五月以寶文閣待制知青州入為

戶部侍郎見長編

張舜民字芸叟邠州人紹聖中加直祕閣知青州見宋史本傳

杜常字正甫衛州人元符元年三月以集賢殿修撰知青州

見宋史本傳及長編

范鏗元符二年十月以龍圖閣待制知青州三年三月徙知

瀛州見長編及續通鑑

虞策字經臣杭州錢塘人哲宗時以龍圖閣待制知青州見宋史

史本傳

宇文昌齡字伯修成都雙流人哲宗末改直祕閣知梓州歷

鄧郵青三州徽宗立召為刑部侍郎後復以寶文閣待制知

青州見宋史本傳

徐鐸字振文興化莆田人徽宗立以龍圖閣待制知青州旋

益都縣圖志

卷十六 官師志二

三十四

落職見宋史本傳

韓川字元伯陝人徽宗初知青州見宋史本傳

王璞舉元孫知青州見崇甯元年雲門山題名

余深福州人大觀四年五月以資政殿學士知青州政和三

年六月入為門下侍郎見宋史本傳及執政表

崔直躬重和元年為安撫使見續通鑑

趙雯雯或作霆宣和元年以徽猷閣待制江淮荆浙等路發運使

知杭州二年十二月丁亥徙知青州見周淙臨安志

趙明誠知青州見李易安金石錄後序和宣和間殆其為州

時歟

徐處仁字擇之應天府穀熟人徽宗時以資政殿學士知青

州見宋史本傳

陶節夫字子禮饒州鄱陽人徽宗時知青州見宋史本傳

張叔夜字稽仲諡忠文開封人宣和末以龍圖閣直學士知

青州靖康改元金人南下叔夜再上章乞假騎兵與諸將并

力斷其歸路不報徙鄧州見宋史本傳

宇文虛中字叔通華陽人靖康元年三月以資政殿學士知

青州見帝紀及執政表及本傳

曾孝序字逢原泉州晉江人以龍圖閣直學士知青州繕修

城池訓練士卒儲峙金穀有數年之備金人不敢犯高宗卽

位遷徽猷閣學士升延康殿學士召赴行在既而青州民詣

南都借留許之先是臨朐士兵趙晟聚眾為亂孝序付將官

益都縣圖志

卷十六 官師志二

三十五

王定兵千人捕之失利而歸孝序責以力戰自贖定乃以言

撼敗卒奪門斬關入孝序出據廳事瞋目罵之遂與其子宣

教郎訐皆遇害年七十九城無主遂陷知益都縣張侃亦死

之後贈孝序五官為光祿大夫諡威愍子訐承議郎贈侃二

官官二子見忠義本傳

柴天因開封人建炎二年二月以直祕閣京東轉運判官為

本路轉運副使兼知青州事又主管京東東路安撫兼提刑

司事三月改權本路制置使旋死事紹興六年詔與恩澤二

官見繫年要錄

魏某建炎二年權青州事三年正月城陷死同上

劉洪道建炎三年正月以直顯謨閣知青州兼安撫使見帝紀

右宋知青州八十二人

楊澈字晏如世家建陽父思進晉天福中北渡海因家於青州之北海建隆初舉進士時竇儀典貢部謂澈文詞敏速可當書檄之任調補河內主簿再遷青州司戶參軍知州張全操多不法澈鞫獄平允無所阿畏太祖知其名召試禁中改著作佐郎出知渠州遷右贊善大夫知淄州事親以孝聞求便侍養徙通判青州見宋史本傳

趙及字希之偃師人通判青州見宋史本傳

朱台符字拱正眉州眉山人淳化三年進士登甲科解褐將作監丞通判青州召入直史館再遷祕書丞見宋史本傳

魏昇侍其曙傳通判青州青州卒龐德訟其校李緒謀以眾

益都縣圖志

卷十六 官師志二

三十六

叛帝疑其誣命侍其曙至青州與魏德昇同至劾無驗遂棄德市知青州張齊賢奏曙擅戮人帝曰不爾無以安被告者

見宋史侍其曙傳及長編景德三年

楊申以職方郎中通判青州見治平三年雲門山題名

張求以比部員外郎通判青州以失察州民楊和真傳習妖教罰銅事在熙甯六年後

胡之邵通判青州見雲門山題名

姚翀四明人通判青州時北海李全反豫令還山陽及漣水而復止之至是擁翀入城與通判宋恭喝犒南北軍使歸營

見叛臣李全傳

右宋青州通判八人

蔡亶青州推官

見石徂徠青州學公用記

右宋青州推官一人

范正大名宗城人青州別駕

見宋史范質傳

黃庶江西分宜人青州別駕

右宋青州別駕二人

俞汝尚字退翁湖州烏程人從趙抃官青州

見宋史本傳案抃守蜀汝尚

為判官此殆仍官判官也

江衍青州判官

見東原錄

右宋青州判官二人

傅察字公晦濟源人大觀初任司法參軍

見宋史忠義本傳案史誤青州為

清州據名臣言行續錄正

益都縣圖志

卷十六 官師志二

三十七

右宋青州司法參軍一人

胡順之字孝先原州臨涇人天禧四年為青州從事高麗入

貢中貴人挾以為貴使州官旅拜於郊順之曰青大鎮也在

唐押新羅渤海奈何卑屈如此獨不拜大姓麻士瑤陰結貴

侍匿兵械服用擬尚方親黨僕使甚多州縣被凌蔑莫敢發

其姦會士瑤殺兄子温裕其子訴於州眾相視曰誰敢往捕

者順之持械徑去盡得其黨有詔鞫問士瑤論死其子弟坐

流放者百餘人改著作佐郎知常熟縣

見宋史本傳及通鑑長編

劉顏字子望彭城人李迪知青州辟為從事

見宋史本傳

稽穎字公實應天宋城人王曾知青州辟為從事

見宋史本傳

右宋青州從事三人

趙師民字周翰青州臨淄人九歲能屬文舉進士第除青州

教授師民性極慈恕勤於吏治政有惠愛見宋史本傳

畢仲愈東平人青州教授見齊乘澗水燕談錄作畢仲甫

劉章青州教授見雲門山題名

右宋青州教授三人

趙賀字餘慶開封封邱人真宗決策澶淵遣使八人省州縣

賀以太子中舍安撫京東見宋史本傳

章得我字希言浦城人諡文憲改諡文簡真宗時以直史館

安撫京東見宋史本傳

仲簡字畏之揚州江都人以侍御史安撫京東見宋史本傳

右宋京東安撫使三人

益都縣圖志

卷十六 官師志二

三十八

郭崇應州金城人乾德二年為平盧軍節度使三年卒見宋史本傳

傳

曹彬字國華諡武惠真定靈壽人淳化五年徙平盧軍節度

使見宋史本傳

夏守贊字子美諡忠禧并州榆次人景祐四年為鎮海軍節

度使見通鑑長編及本傳

劉延慶保安軍人世為將家雄豪有勇徽宗時為鎮海軍節

度使見本傳及東都事略

右宋軍節度使四人

鄭歸昌景德元年為鎮海軍司馬見臨朐沂山明道寺舍利塔壁記碑

陳宇青州人慶厯初為司馬見通鑑長編

右宋鎮海軍司馬二人

辛仲甫字之翰汾州孝義人乾德初為郭崇節度判官見宋史本

傳

李常甯元祐三年為判官見通鑑長編

高昌庸判官見元祐辛未雲門山題名

右宋判官三人

劉師道字聖宗開封東明人進士太宗時鎮海軍從事見本傳

右宋鎮海軍從事一人

盧秉字仲甫湖州德清人神宗時為青州掌書記見宋史本傳

右宋青州掌書記一人

王素字仲儀諡懿敏大名莘人治平末換澶州觀察使知成

益都縣圖志

卷十六 官師志二

三十九

德軍改青州觀察使熙甯初還以學士知太原府見宋史本傳

右宋青州觀察使一人

吳居厚字敦老洪州人為京東轉運判官元豐五年六月升副使天子方興鹽鐵居厚精心計籠絡鉤稽收羨息錢數百

萬即萊蕪利國二冶官自鑄錢歲得十萬緡詔褒揚其能見宋史

史本傳及長編

呂孝廉為京東轉運判官元豐六年九月升副使見長編

王瑜元符元年正月為京東轉運副使見長編

李孝昌為京東轉運副使宣和七年言招安羣盜張萬仙等

五萬餘人詔補官犒賜有差見徽宗本傳

程昌弼以直徽猷閣為京東轉運副使建炎元年九月貶秩

二等坐舉錯專恣爲知青州曾孝序所劾也

見繫年要錄

右宋京東轉運副使五人

賀大成爲京東觀察推官

見元祐六年雲門山題名

右宋京東觀察推官一人

陳安石字子堅河陽人嘉祐中提點陝西刑獄歷使京西河

東淮南京東

見宋史本傳

呂居簡河南人慶厯中提點京東刑獄時夏竦有憾於石介死竦言於上曰介未嘗死北走鄰國矣乃遣中使發棺驗之居簡謂曰萬一介果死則朝廷爲無故發人之墓奈何中使曰於君何如居簡曰介死當時必有內外親族及門生會葬間之可也中使乃令結狀保證以聞介事乃白居簡長者

益都縣圖志

卷十六 官師志二

四十

其行事類此徐州妖人孔直温挾左道誘軍士爲變或詣轉運使告不受詞居簡令易其牒盡捕究黨與貸註誤者請於朝斬直温等濮州復叛都民驚潰居簡馳往獲首惡誅之因大閱兵享勞姦不得發用二事遷秩鹽鐵判官

見宋史呂蒙正傳

韓宗彥字欽聖億孫仁宗時提點京西京東刑獄應天府失入平民死罪獄成未決通判孫世甯辨正之獄吏當坐法而尹劉沆縱弗治宗彥往按舉沆復沮止之宗彥疏沆於朝抵

吏罪

見宋史韓億傳

沈起字興宗明州鄭人仁宗時京東歲饑盜起除提點刑獄至則開首贖法攜其侶盜內自睽疑轉相束縛惟恐後

見宋史本傳

傳

張利一字和叔開封人仁宗時提點京東刑獄見宋史本傳

蔡延慶字仲遠萊州膠水人英宗時以度支員外郎提點京

東刑獄見宋史本傳及治平三年雲門山題名

田諒英宗時以太常少卿直史館提點京東刑獄見治平三年雲門山

題名

錢勰字穆杭州臨安人熙甯中提點京東刑獄見宋史本傳

趙偁元豐六年九月由京東轉運判官遷提點京東刑獄見通鑑

編鑑長

李清臣字邦直魏人神 時提點京東刑獄齊魯盜賊爲天

下劇設耳目方略名捕且盡見宋史本傳

楚建中字正叔洛陽人神宗時提點京東刑獄見宋史本傳

益都縣圖志

卷十六 官師志二

四十一

馬默字處厚單州城武人神宗時提點京東刑獄默性剛嚴

疾惡部吏有望風投檄去者金鄉令以賄著其父方執政貽

書曰馬公素剛汝有過將不免令懼悉取不義之物焚毀之

見宋史本傳

孔宗翰字周翰道輔子神宗末提點京東刑獄見宋史孔道輔傳

霍翔元祐元年提點京東刑獄見通鑑長編

周秩元祐四年提點京東刑獄見同上

張元芳或作元方元祐五年提點京東刑獄見同上

唐義問字士宣江陵人元祐中起知齊州提點京東刑獄河

北轉運副使屬邑尉因捕盜誤遣火盜逸去民家被焚訟尉

故縱火郡守執尉抑使服義問辯出之方旱而雨見宋史本傳

李格非字文叔濟南人紹聖後以禮部員外郎提點京東刑

獄見宋史本傳

趙屺抃字景仁元符間改都官員外郎出提點京東刑獄

見宋史本傳

李昭玘字成季濟南人元符間提點京東刑獄坐元符黨奪

官見宋史本傳

上官均字彥衡邵武人哲宗時提點京東刑獄見宋史本傳

任諒字子諒眉山人徙汝陽徽宗時提點京東刑獄梁山灤

漁者習為盜蕩無名籍諒伍其家刻其舟非是不得輒入他

縣地錯其間者鑿石為表盜發則督吏名捕莫敢不盡力迹

無所容見宋史本傳

益都縣圖志

卷十六 官師志二

四十二

盧知原字行之湖州德清人徽宗時提點京東刑獄見宋史本傳

右宋提點京東刑獄二十三人

李恕趙州贊黃縣人益都縣令在任五年替罷上京參選銓

司為年過七十閤門引見特敕除授青州別駕在任三載見雍

熙四年經幢記

王子融字熙仲本名皞字子融元昊反請以字為名曾弟祥

符進士及第為益都縣令蓋在真宗時見東原錄詳金石韓熙載石刻

張稚圭益都人為益都縣令見嘉祐八年雲門山題名

右宋益都縣令三人

張思字希聖天禧間知益都縣見歐陽文忠公所撰墓志銘

張揆字文韶齊州歷城人舉進士知益都縣舊志謂在慶曆四年當督

賦租置里胥弗用而民皆以時入石介獻息民論請以益都

爲天下法 見宋史本傳

劉湜字子正徐州彭城人舉進士改祕書省著作郎知益都

縣徙陰平 見宋史本傳

李植左奉議郎知益都縣 見元祐六年雲門山題名

張侃知益都縣 見曾孝序傳

右宋知益都縣五人

張思天禧間爲益都縣主簿 見歐陽文忠公所撰墓志銘

右宋益都縣主簿一人

趙世甯益都縣尉 見嘉祐八年雲門山題名

右宋益都縣尉一人